

UGOVOR
o pružanju usluge
Lot 3.: OSIGURANJE MOTORNIH VOZILA

Zaključen između Ugovornih strana:

1. UNIVERZITET U SARAJEVU, Obala Kulina bana 7/II, Sarajevo, koga
zastupa rektor prof. dr. Rifat Škrijelj (u daljem tekstu: Osiguranik)
ID broj: 4200494560007

i

2. ASA osiguranje d.d. Trg međunarodnog prijateljstva 25, 71000 Sarajevo,
koga zastupa direktor Feđa Morankić (u daljem tekstu: Osiguravač)
ID broj: 4201261240009

Broj transakcijskog računa: 134 610 100001661 41 otvoren kod ASA Banka d.d.
Sarajevo

Ovaj Ugovor se zaključuje na osnovu Odluke broj: 0101-3935-8-LOT.3./17 od 28. 06. 2017. godine o izboru najpovoljnijeg ponuđača, koja je donesena nakon provedenog postupka KONKURENTSKOG ZAHTJEVA ZA DOSTAVLJANJE PONUDA, za koji je dana 09. 06. 2017. godine na Portalu javnih nabavki BiH, objavljeno Obavještenje o nabavci broj: 999-7-2-123-3-19/17.

I. PREDMET UGOVORA

Član 1.

Predmet ovog Ugovora je pružanje usluge:

Lot 3.: OSIGURANJE MOTORNIH VOZILA

za potrebe i po zahtjevu Osiguranika, u skladu sa Tenderskom dokumentacijom Osiguranika broj: 0101-3935-3/17 od 09. 06. 2017.godine i ponudom Osiguravača broj: I-2106/17 od 20. 06. 2017. godine (u daljnjem tekstu: Ponuda Osiguravača), te opštim i posebnim uslovima osiguranja, koji čini sastavni dio ovog Ugovora.

Ugovorne strane će potpisati policu osiguranja, koja će činiti sastavni dio ovog Ugovora.

II. OSIGURANJE MOTORNIH VOZILA-Lot 3.

Član 2.

Osiguranje motornih vozila Osiguranika po ovom Ugovoru pokriva: obavezno osiguranje od autoodgovornosti i potpuno kasko osiguranje sa uključenim rizikom krađe.

U slučaju nastanka osiguranog slučaja, Osiguravač će osigurati vještačenje štete najkasnije u roku od 3 (tri) dana od dana kada se desio osigurani slučaj, po prijavi Osiguranika.

Osiguravač se obavezuje da će nastalu štetu isplatiti u roku od 14 (četnaest) dana od dana dostavljanja prijave osiguranog slučaja od strane Osiguranika sa kompletnom dokumentacijom, u skladu sa Zakonom i Uslovima osiguranja.

III. CIJENA I NAČIN PLAĆANJA

Član 3.

Ukupna visina premija osiguranja za pružanje usluge:
Lot 3.: OSIGURANJE MOTORNIH VOZILA na godišnjem nivou iznosi:
2.214,77 KM bez PDV-a
(slovima: dvijehiljadedvijestotinečetnaest KM i 77/100).

Cijena predmetne usluge iz člana 1. ovog Ugovora je nepromjenjiva za vrijeme trajanja ugovora.

IV. TRAJANJE UGOVORA

Član 4.

Ovaj Ugovor se zaključuje na period od 1 (jednu) godinu dana i primjenjivaće se od 01. 08. 2017. godine u 00:00 sati do 31. 07. 2018. godine do 24:00 sata.

Nijedna Ugovorna strana nema pravo da u potpunosti, ili djelimično prenosi svoja prava i obaveze iz ovog Ugovora, kao ni Ugovor u cjelini, na treće lice bez prethodne pisane saglasnosti druge strane, izuzev ako se radi o pravnom licu koje nastane promjenom pravnog statusa Osiguravača.

Svaka od ugovornih strana obavezuje se da u roku od 8 (osam) dana nastanka neke promjene koja na bilo koji način može uticati na odnos Ugovornih strana o tome obavijesti drugu Ugovornu stranu pisanim putem.

Ukoliko dođe do promjene pravnog statusa Osiguravača, osnivanjem novog pravnog lica, odvajanjem ili pripajanjem, u tom slučaju sva prava i obaveze po ovom Ugovoru prenose se na novo pravno lice.

Od tog momenta sva potraživanja i obaveze po ovom Ugovoru su predmet međusobnih obaveza tog pravnog lica i Osiguravača do isteka perioda važenja ovog Ugovora.

V. POSLOVNA TAJNA

Član 5.

Ugovorne strane su saglasne da se podaci, informacije i dokumentacija do kojih dođu prilikom izvršenja ovog Ugovora smatraju poslovnom tajnom, pa se obavezuju da će podatke čuvati i neće ih ni na koji način učiniti dostupnim trećim licima.

Ugovorne strane imaju obavezu čuvanja poslovne tajne i nakon prestanka ovog Ugovora.

Izuzetak od stava 1. ovog člana čine podaci koji su objavljeni i dostupni javnosti.

VI. RASKID UGOVORA

Član 6.

Svaka Ugovorna strana ima pravo jednostrano raskinuti ovaj Ugovor.

Osiguranik ima pravo jednostrano raskinuti ovaj Ugovor i zadržati pravo na naknadu prouzrokovane štete, ukoliko se Osiguravač ne pridržava odredaba ovog Ugovora, kao i u slučaju ako Osiguravač iz bilo kojeg razloga izuzev više sile, dođe u situaciju da ne može izvršiti ugovorene usluge.

Obavijest o jednostranom raskidu ugovora mora se dostaviti drugoj Ugovornoj strani isključivo u pismenom obliku i obavezno navesti razlog raskida ugovora.

Otkazni rok iznosi 30 (trideset) dana.

U slučaju raskida ugovora, Ugovorne strane su saglasne da će u svemu izvršiti međusobne uzajamne obaveze nastale do roka raskida ugovora.

VII. RJEŠAVANJE SPOROVA

Član 7.

Sve eventualne sporove do kojih dođe u realizaciji ovog Ugovora, a koji se ne mogu riješiti sporazumno u duhu dobrih poslovnih odnosa, rješavat će nadležni sud u Sarajevu.

VIII. ZAVRŠNE ODREDBE

Član 8.

U skladu sa članom 72. stav (6) Zakona o javnim nabavkama BiH, Osiguravač nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 9.

Ugovorne strane su saglasne da se na sve međusobne odnose koji nisu definisani ovim Ugovorom, primjenjuju odredbe Zakona o obligacionim odnosima i Uslova za osiguranje predmeta nabavke.

Član 10.

Ovaj Ugovor je sačinjen u 4 (četiri) istovjetna primjerka, od kojih po 2 (dva) primjerka zadržava svaka Ugovorna strana. Svi primjerci važe kao original i imaju jednako pravno djelovanje.

ZA OSIGURANIKA:

Rektor

Prof. dr. Rifat Škrijelj



ZA OSIGURAVAČA:

Dir. za osiguranje

Feda Morankić



Broj: 0101-3935-10-LOT 3./17
Datum: 19. 07. 2017. godine

Broj: 1-1368/17 /17
Datum: 26.07. 2017. godine